

Headlines

- *1. وزیر اعظم نریندر مودی نے صاحبہ آباد تین نواں آشوک نگر دہلی بشکار نمو بھارت راہداری پروجیکٹ سمیت کئی ترقیاتی پروجیکٹاں غو افتتاح کیو ہے۔
- *2. وزیر اعظم عمر عبداللہ نے مل واروان کشتواڑ غا آگ زنی تین متاثرہ افراد سنگ ان غی رہائشی مکاناں غی تعمیر غی خاطر کیا گیا واعدان نانہہ پوراں کرتاں واں مرکزی سرکار نے پردھان منتری آواس یوجنا غے تحت امداد نانہہ منظور دے دتی ہے۔
- *3. ریلویز نے کٹڑھ، بانہال حصہ ور ریل گڈی چلایا جان غو آزمائشی ٹرائل مکمل کر ليو ہے۔ وزیر اعظم پلک نواں جموں ریلوے ڈویزن غو ویڈیو کا نفرنگ غے ذریعے افتتاح کریں گا۔
- *4. مرکزی وزیر نتن گڈی کرنے بانہال قصبہ نانہہ بائی پاس کرن آلی چار پالی سڑک غی تکمیل غو اعلان کیو ہے۔
- *5. تے جموں کشمیر مانہہ آئندہ ہلکی بارش تے پہاری برفباری غو امکان ہے۔

PM Devp Projects Delhi

وزیر اعظم نریندر مودی نے آج دہلی مانہہ 12 ہزار 2 سو کروڑ تین متی لاگت آلا کئی ترقیاتی پروجیکٹاں غو افتتاح کیو ہے، تے کئی پروجیکٹاں غا نی پتھر رکھیا ہیں۔ انہاں نے صاحبہ آباد تے نیو آشوک نگر بشکار دہلی غا ڈیا آباد میرٹھ نمو بھارت کارپورٹور غا 13 کلو میٹر غا حصہ غو وی افتتاح کیو ہے۔ جس نانہہ 4 ہزار 6 سو کروڑ روپیاں غی لاگت سنگ مکمل کیو گیو ہے۔ وزیر اعظم نے نمو بھارت ٹرین مانہہ صاحبہ آباد آر آر ٹی ایس سٹیشن تین نیو آشوک نگر آر آر ٹی ایس سٹیشن تک سفر کیو تے اسکول غا بچاں سنگ ملاقات کی۔ اس تین علاوہ وزیر اعظم نے دہلی میٹرو مرحلہ 4 غا 2 عشاریہ 8 کلو میٹر غا حصہ غو افتتاح کیو۔ جہیڑو کہ جنگ پوری تے کرشنا پاک غے درمیان ہے۔ جس ور 1 ہزار 2 سو کروڑ روپیاں غی لاگت آئی ہے۔ مغربی دہلی غا علاقہ جس طرح کہ کرشنا پارک وکاس پوری، جنگ پوری تے دوجا اس نواں رستہ تین فاندو چاویں گا۔ وزیر اعظم نے دہلی میٹرو مرحلہ چہارم گا 26 عشاریہ 5 کلو میٹر ریتھالہ کُنڈلی سیکشن غو سنگ بنیاد وی رکھیو۔ جس نانہہ مکمل کرن ور 6 ہزار 2 سو 30 کروڑ روپیاں غی تخمینہ لاگت ہے۔ یوہ کارپورٹور دہلی مانہہ ریتھالہ نانہہ ہریانہ مانہہ ناتھو پور کُنڈلی سنگ جوڑے گو۔

CM PMAY-G Approval

بھارت سرکار غی طرفوں کشتواڑ ضلع غی واڑواں ویلی گا ملودوان گراں مانہہ آگ لگن غا واقعات تین متاثرین کُنباں نانہہ مکانات بنان بارے مدد مہیا کروان غی خاطر پردھان منتری آواس یوجنا گرامین پی ایم اے وائی جی غے تحت اک خصوصی پروجیکٹ نانہہ منظوری دتی ہے۔ واضع رہے جے پچھلے سال 15 اکتوبر نانہہ آگ لگن غا اک تباہ کُن واقع مانہہ بہت سارہ کبر سڑ گیا تھا، جس غی وجہ سنگ بہت سارہ کُنباں بے کبر ہو گیا تھا۔ وزیر اعلیٰ عمر عبداللہ جنہاں نے 16 اکتوبر نانہہ ہی اپنو عہدو سنبھالیو تھو نے فوری طور ور دوجے روز ہی اس متاثرہ علاقہ غو دورو لایو تے متاثرہ کُنباں نانہہ مستقل باز آباد کاری غو یقین دوايو۔ انہاں نے یوہ وی وعدو کیو تھو جے وے ان کُنباں نانہہ اپنا کبر دوبارہ تعمیر کرن بارے مرکزی حکومت تین مدد مہیا کراویں گا، تانجے یہ لوک اپنی زندگی نانہہ دوبارہ تین شروع کر سکیں۔ وزیر اعلیٰ عمر عبداللہ غی طرفوں مرکزی سرکار نانہہ اس بارے اپیل توں بعد اس خصوصی مکاناتی

پیکچ نانہہ منظور کیو گیو ہے۔ وزیر اعلیٰ عمر عبداللہ نے متاثرہ خانداناں غی مستقل باز آباد کا ری بارے اضافی مالی امداد بارے گزارش کی تھی۔

CM Gurpurab Greetings

وزیر اعلیٰ عمر عبداللہ نے گورو گو بند سنگھ جی غا جنم دن غا موقع ور سکھ مذہب تے ولا دت منان آلا دوجا لوکاں نانہہ مبارکبادی آلا پیغام مانہہ وزیر اعلیٰ نے گورو گو بند سنگھ جی غی زندگی تے ان غی تعلیمات نانہہ اجاگر کیو ہے۔ انہاں نے کہیو ہے گورو جی غا نظریات تے ان غی گراں قدر تعلیمات پوری دنیا واسطے رغبت غو باعث ہیں، تے ان آلی نسلان واسطے مثل راہ ہیں۔ اس مبارکی موقع ور وزیر اعلیٰ نے جموں کشمیر مانہہ امن، خوشحالی تے سکون بارے دعا کی ہے تے یاہ کامنا کرتاں واں امید ظاہر کی ہے جے اس دن غو جذبو تمام طبقات مانہہ آپسی ہم آہنگی تے یکجہتی لیاوے گو۔ صحت تے طبی تعلیم غی وزیر محترمہ سکینہ اتو نے وی گروپرب غا موقع ور لوکاں نانہہ تے بالخصوص سکھ برادری نانہہ مبارکباد پیش کی ہے۔

Railway Inspection

جموں کشمیر مانہہ اڈھم پور سرینگر بارہمولہ ریلوے لائنیں پروجیکٹ غا آخری معاینہ تیں پہلا کل کٹڑہ بانہال ریلوے لائن حصہ غو کامیابی سنگ آزمائشی معاینو کیو گیو۔ اس حصہ ور چلائی جان آلی آزمائشی ریل گڈی مانہہ اڈھم پور سرینگر بارہمولہ ریل لائن تے شمالی ریلویز غا دوجا افسراں غے ہمراہ اعلیٰ انتظامی افسر سنڈیپ گپتا وی موجود تھا۔ ریلوے تحفظ غا کمشنر سی آر ایس آنندہ 7 تے 8 جنوری نانہہ ریلویز غا اس حصہ غو آزمائشی ریل گڈی چلایا جان غو معاینو کریں گا۔ جس غے بعد وے اس سلسلہ مانہہ اک رپورٹ پیش کریں گا۔ اس رپورٹ غے مطابق وادی کشمیر نانہہ ریلوے خدمات مہیا کران بارے آنندہ غی حکمت عملی طے کی جائے گی۔ اسے دوران ریلوے وزارت غی طرفوں شمالی ریلوے زون غے تحت اک نوی ریلوے ڈویژن قائم کی جائے گی۔ جس غو صدر دفتر جموں مانہہ وے گو۔ یاہ نوی ڈویژن فیروز پور ڈویژن غی تنظیم نو غے تحت قائم کی جائے گی۔ آکاش وانی جموں غا مہارا نمائندہ نے جانکا ری دیتاں واں دسیو ہے جے اس نوی جموں ریلوے ڈویژن قائم کیا جان بارے وزیر اعظم نریندر مودی پلک یعنی 6 جنوری نانہہ ویڈیو کانفرنسنگ غے ذریعے اعلان کریں گا۔ اس پروگرام مانہہ جموں کشمیر غا وزیر اعلیٰ عمر عبداللہ تے لیفٹنٹ گورنر منوج سنہا وی شامل وین گا۔ آکاش وانی سنگ گل کرتاں واں اڈیشنل ڈویژنل ریلوے منیجر راجیو کمار سنگھ نے مزید کجھ اس طرح دسیو۔۔ بانٹ۔

Kishtwar Road Accident

ضلع کشتواڑ غا پاڈر علاقہ غا سنیا س غا مقام ور ہوا اک دلدوز سڑک حادثہ مانہہ 4 افراد ہلاک ہو گیا ہیں۔ ان توں علاوہ ڈرائیور سمیت دو افراد غو آجوں توڑی کوئی پتو نہیں چل سکیو ہے۔ بچاؤ ٹیمیں نانہہ متحرک کیو گیو ہے تے مزید تفصیلات غو انتظار ہے۔ مرکزی وزیر ڈاکٹر جتندر سنگھ نے اس حادثہ ور سخت صدمہ غو اظہار کیو ہے۔ انہاں نے غمزدہ خانداناں سنگ تعزیت کی ہے۔

CS Khelo India Winter Games

چیف سیکریٹری آئل ڈلو نے کل زور دیتاں واں کہیو ہے جے ”کھیلو انڈیا وینٹر گیمز“ جیسی جھیڈاں نانہ جموں کشمیر مانہ سیاحت غا فروغ غی خاطر باہدو دین غی لوڑ ہے، چیف سیکریٹری آئندہ 22 فروری تیں 25 فروری توڑی گلرگ مانہ ”کھیلو انڈیا وینٹر گیمز“ غا پنجواں ٹورنامنٹ غی تیاریاں غو جائزو لے رہیا تھا۔ الپائن سکینگ، سنو بو رڈینگ تے سردیاں گا موسم غی دوجی کھیڈاں مانہ شرکت غی خاطر مُلک پھر تیں کوئے 1 ہزار تیں متا کھیڈاری حصولے رہیا ہیں۔ اس سلسلہ مانہ تیاریں جاری این، تانجے سردیاں غی کھیڈاں غا اس ٹورنامنٹ نانہ کھیڈاریاں تے تماشاہاں واسطے یا دگار بنايو جا سکے۔ چیف سیکریٹری نے اس موقعہ ور متعلقہ محکمان نانہ ہدایت کی ہے جے وے حفاظت ٹرانسپورٹ، صحت تے دوجی بنیادی سہولتاں غی اس موقعہ ور دستیابی غی خاطر بہتر تال میل رکھیو جائے۔

مزید خبراں نال باغ علی طاہر۔ ور اُس تیں پہلاں یوہ پیغام۔ (یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن انیر ڈاٹ گوو ڈاٹ ان ور وی دستیاب ہیں، اس (تیں یہ خبر مہاری موبائل ایپ تے ڈی ٹی ایچ ور وی دستیاب ہیں

Gadkari Ramban Bypass

مرکزی وزیر نتن گڈکری نے 2 عشاریہ 35 کلو میٹر لمی بانہال قصبہ نانہ بانئ پاس کرن آلی چار پالی سڑک غی کامیابی سنگ تکمیل غو اعلان کیو ہے، جس ور 2 ارب 24 کروڑ 44 لکھ روپیاں غی رقم خرچ آئی ہے۔ قومی شاہراہ نمبر 44 غا رام بن بانہال حصہ ور بنائی گئی اس بانئ پاس سڑک ور 1 کلو میٹر تے 5 سو 13 میٹر ور محیط 4 پُل تے 3 چھوٹی پُلیں تعمیر کی گئی ہیں۔ اس بانئ پاس سڑک غی تعمیر سنگ بانہال قصبہ مانہ گڈیاں غا جام تیں بچیو جا سکے گو۔ اک سماجی میڈیا پوسٹ ور مرکزی وزیر غو کہنو ہے جے وزیر اعظم نریندر مودی غی پُر بصیرت رہنمائی مانہ مکمل کیا گیا اس پروجیکٹ سنگ جموں غا اقتصادی درجہ مانہ مزید بہتری آویگی۔ دسیو گیو ہے جے شروع مانہ 2 پالی ٹریفک اس سڑک ور چلائی جائے گی۔ جد کہ جنکشن بنایا جان غے بعد آئندہ 15 دناں غے اندر اندر چار پالی ٹریفک اس بانئ پاس سڑک ور بحال کر دتی جائے گی۔

Drug Control Ramban

منشیات کنٹرول بارے محکمہ غی طرفوں منشیات مکالف نمایاں اقدام غی عمل آوری غو کم جاری ہے، تانجے لوکاں غی صحت غو خیال رکھتاں واں دوائیاں غا سیکٹر مانہ اخلاقی اقدار نانہ فروغ دتو جا سکے۔ مہارا رام بن غا نمائندہ نے جانکاری دیتاں واں دسیو ہے جے ضلع رام بن مانہ کیا گیا معائنہ کاری غا حالیہ اقدام سنگ دوائی فروش دکانداراں نے اپنی دکاناں ور سی سی ٹی وی کیمرا نصب کیا این۔ تے ہدایات غے مطابق کمپیوٹرایزیڈ بیلنگ نظام نانہ اپنایو گیو ہے۔ اس سلسلہ مانہ کی گئی معائنہ کاری غی کاروائی غے دوران خصوصی طور ور ایسی تنصیبات غو معائنو کیو گیو تے اس راہ جن جن کیمسٹ غی دکاناں غو معائنو کیو گیو ہے تمام دکاناں ور سی سی ٹی وی کیمرا نصب کیا گیا دیکھیا گیا این۔ اس سلسلہ مانہ گل کرتاں واں منشیات محکمہ غا رام بن غا اسسٹنٹ کنٹرولر سنجیو کمار گپتا نے کہیو۔ بانٹ۔۔۔

Weather

جموں کشمیر مانہہ موسم آبر آلود تے سرد ہے اور سردی غی یاہ شدت پہلک سویر توڑی مغربی ہواواں غی وجہ نال موجود رہ گی۔ آجوں توڑی کتے تیں وی برفباری یاہ بارش غی اطلاع نئیں ہے۔ البتہ آندہ سرینگر سمیت کجھ علاقان مانہہ درمیانہ تیں پہاری برفباری جد کہ جموں غا میدانی علاقان مانہہ درمیانہ درجہ غی بارش گو امکان ہے

خاص خاص خبر اک وری فرسُن لیو۔

- *1۔ وزیر اعظم نریندر مودی نے صاحبہ آباد تیں نوان آشوک نگر دہلی بشکار نموبھارت رابداری پروجیکٹ سمیت کئی ترقیاتی پروجیکٹاں غو افتتاح کیو ہے۔
- *2۔ وزیر اعظم عمر عبداللہ نے مل واروان کشتواڑ غا آگ زنی تیں متاثرہ افراد سنگ ان غی رہائشی مکاناں غی تعمیر غی خاطر کیا گیا واعدان نانہہ پوراں کرتاں واں مرکزی سرکار نے پردھان منتری آواس یوجنا غے تحت امداد نانہہ منظور دے دتی ہے۔
- *3۔ ریلویز نے کٹڑھ، بانہال حصہ ور ریل گڈی چلایا جان غو آزمائشی ٹرائل مکمل کر لیو ہے۔ وزیر اعظم پلک نوان جموں ریلوے ڈویژن غو ویڈیو کانفرنسنگ غے ذریعے افتتاح کریں گا۔
- *4۔ مرکزی وزیر نتن گڈی نے بانہال قصبہ نانہہ ہائی پاس کرن آلی چار پالی سڑک غی تکمیل غو اعلان کیو ہے۔
- *5۔ تے جموں کشمیر مانہہ آندہ ہلکی بارش تے پہاری برفباری غو امکان ہے۔
